

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u vezi sa Zaključkom Vlade Kantona Sarajevo, broj 02-04-53347-52/23 od 28.12.2023. godine, Vlada Kantona Sarajevo na 30. sjednici održanoj 27.06.2024. godine, donijela je

**ODLUKU
O DAVANJU SAGLASNOSTI ZAVODU ZA IZGRADNJU
KANTONA SARAJEVO ZA ZAKLJUČENJE UGOVORA
O DJELU**

I

Daje se saglasnost Zavodu za izgradnju Kantona Sarajevo za zaključenje ugovora o djelu sa jednim (1) licem, i to:

- Dipl. pravnik - radi pružanja usluga usklađivanja zatečenog stanja imovine sa postojećim evidencijama korisnika imovine u vlasništvu Zavoda i kontrole dokumentacije u smislu potvrde legitimnog prava korištenja poslovnih prostora i stanova od strane korisnika.

II

Za realizaciju ove odluke zadužuje se Zavod za izgradnju Kantona Sarajevo, a sredstva će se isplatiti sa pozicije Zavoda za izgradnju Kantona Sarajevo, pozicija 613900 - Ugovaranje i druge ugovorne obaveze.

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-33624-16/24
27. juna 2024. godine
Sarajevo

Po ovlaštenju premijera
Ministrica
Darja Softić Kadenić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u vezi sa članom 4. stav (1) i 113. stav (1) Zakona o osnovnom odgoju i obrazovanju ("Službene novine Kantona Sarajevo", broj 23/17, 33/17, 30/19, 34/20 i 33/21), članom 3. i 168. stav (1) Zakona o srednjem obrazovanju ("Službene novine Kantona Sarajevo", broj 23/17, 30/19 i 33/21), članom 11. stav (4) Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo ("Službene novine Kantona Sarajevo", broj 24/22, 40/22 i 7/24) i članom 11. stav (4) Kolektivnog ugovora za djelatnost srednjeg obrazovanja u Kantonu Sarajevo ("Službene novine Kantona Sarajevo", broj 38/22, 47/22 - Ispravka, 28/23, 31/23 - Ispravka i 7/24), Vlada Kantona Sarajevo, na 30. sjednici održanoj 27.06.2024. godine, donijela je

**ODLUKU
O USVAJANJU POSEBNOG PROGRAMA VLADE
KANTONA SARAJEVO ZA DEFICITIRANA
ZANIMANJA U OSNOVNOM I SREDNJEM ODGOJU I
OBRAZOVANJU U KANTONU SARAJEVO ZA PERIOD
2024. - 2029. GODINE**

I

Usvaja se Posebni program Vlade Kantona Sarajevo za deficitirana zanimanja u osnovnom i srednjem odgoju i obrazovanju u Kantonu Sarajevo za period 2024. - 2029. godine.

II

Zadužuju se Ministarstvo za odgoj i obrazovanje Kantona Sarajevo, Javna ustanova Institut za razvoj preduniverzitetskog obrazovanja Kantona Sarajevo, javne i privatne osnovne i srednje škole na području Kantona Sarajevo da poduzmu mjere i radnje iz svoje nadležnosti definisane Posebnim programom iz tačke I ove odluke.

III

Aktivnosti iz Posebnog programa iz tačke I ove odluke proglašavaju se odgojno-obrazovnim projektima od posebnog interesa za Kanton Sarajevo.

IV

Ova odluka stupa na snagu danom donošenja, a zajedno sa programom iz tačke I ove odluke objavit će se u "Službenim novinama Kantona Sarajevo".

Broj 02-04-33624-26/24
27. juna 2024. godine
Sarajevo

Po ovlaštenju premijera
Ministrica
Darja Softić Kadenić, s. r.

**POSEBNI PROGRAM
VLADE KANTONA SARAJEVO ZA DEFICITIRANA
ZANIMANJA U OSNOVNOM I SREDNJEM ODGOJU I
OBRAZOVANJU U KANTONU SARAJEVO ZA PERIOD
2024.-2029. GODINE**

I

(Posebni programa Vlade Kantona Sarajevo za deficitirana zanimanja u osnovnom i srednjem odgoju i obrazovanju u Kantonu Sarajevo za period 2024.-2029. godine)

Ministarstvo za odgoj i obrazovanje Kantona Sarajevo (u daljem tekstu: Ministarstvo) je predlagatelj Posebnog programa Vlade Kantona Sarajevo za deficitirana zanimanja u osnovnom i srednjem odgoju i obrazovanju u Kantonu Sarajevo za period 2024.-2029. godine (u daljem tekstu: Program).

U ovom Programu sadržane su aktivnosti koje trebaju realizirati Ministarstvo i Javna ustanova Institut za razvoj preduniverzitetskog obrazovanja Kantona Sarajevo (u daljem tekstu: Institut), kroz saradnju sa osnovnim i srednjim školama na području Kantona Sarajevo, kao i djelomično sa nevladinim sektorom i realnim sektorom.

Aktivnosti iz ovog Programa se smatraju odgojno-obrazovnim projektima od posebnog interesa za Kanton Sarajevo.

**II
(Cilj)**

Cilj aktivnosti izrade Programa jeste adekvatno razumijevanje tržišta rada i planiranje intervencija u ovoj oblasti, imajući u vidu da deficitiranost nastavnika šteti učenicima, nastavnicima i javnom obrazovnom sistemu u cjelini. Naime, nedostatak broja kvalificiranih nastavnika i nestabilan broj uposlenika u školama ugrožavaju sposobnost učenika da uče i smanjuju učinkovitost nastavnika. Također, nedovoljan broj nastavnika otežava izgradnju reputacije nastavničke profesije i njenu profesionalizaciju, što dodatno doprinosi deficitiranosti.

Jedan od ciljeva je svakako ne samo dobiti nastavnike već i kvalitetan kadar u obrazovanju.

III

(Mjere, nosioci aktivnosti, rokovi za realizaciju i ciljevi)

Mjere, nosioci aktivnosti, rokovi za njihovu realizaciju i ciljevi definisani su ovim Programom kako slijedi:

Red. br.	MJERE	OPIS	NOSILAC AKTIVNOSTI	ROK	CILJEVI	VRSTA USTANOVE (OSNOVNE/PRIVATNE ŠKOLE)
1.	Zapošljavanje nastavnika	- Omogućiti primanje na neodređeno za početak za deficitarne nastavnike, a potom nakon, dodatne analize petogodišnjih kadrovske potreba, dodati ostale nastavnike. - Centralizacija i digitalizacija konkursne procedure prijema radnika. - Propisati strožije kriterije prelaska u drugu školu određeni period nakon što ugovor pređe na neodređeno. - Omogućiti sklapanja ugovora na određeno do kraja školske godine bez obaveze raspisivanja konkursa ako potreba za nastavnikom nastane pred kraj školske godine (u mjesecu martu ili poslije).	Vlada Kantona Sarajevo i Ministarstvo	Juli/decembar 2024. godine (saglasnost Vlade Kantona Sarajevo) za školsku 2024./2025. godinu, kao i kontinuirano svake godine	Zadržavanje nastavnika u školi, ekonomičnost i efikasnost konkursne procedure	Osnovne i srednje škole kao javne ustanove
2.	Seminari za direktore	Teme: a) Utjecaj roditelja na odgojno-obrazovni proces; b) Šta direktori mogu poduzeti da unaprijede komunikaciju u školi između roditelja i nastavnika; (Uspostava kriterija, komunikacija o kriterijima i izgradnja povjerenja kao faktori dobre saradnje) c) Kreiranje pozitivne i ugodne radne atmosfere u školi; d) Kako pružiti podršku novom zaposleniku u školi; (Adekvatan program orijentacije zaposlenika od samog početka zasnivanja radnog odnosa - detaljne upute za rad, upoznavanje s novom radnom sredinom, s kolektivom i učenicima...) e) Kako podići i očuvati ugled škole, i ostale teme, uz ažuriranje predavača, kao i formata aktivnosti.	Institut	Septembar 2024. godine i kontinuirano svake godine	Izgradnja povjerenja u odnosu roditelj - nastavnik, kao i zadržavanje nastavnika u školi	- Osnovne i srednje škole kao javne ustanove - Privatne osnovne i srednje škole
3.	Stručno usavršavanje nastavnika	Seminari na teme: a) Utjecaj roditelja na odgojno-obrazovni proces; b) Kako unaprijediti komunikaciju sa roditeljima učenika i uspostaviti povjerenje; c) Značaj uloge nastavnika za učenika, i ostale teme. Stručno usavršavanje za nastavnike stručno-teorijskih predmeta kod odgovarajućih poslovnih subjekata tj. rad u privredi. Stručne posjete u inostranstvo i razmjena iskustava.	Institut	Septembar 2024. godine i kontinuirano svake godine	Izgradnja povjerenja u odnosu roditelj - nastavnik, kao i zadržavanje nastavnika u školi	- Osnovne i srednje škole kao javne ustanove - Privatne osnovne i srednje škole
4.	Promovisanje pomažućih zanimanja, posebno nastavnčkih, od najranije dobi	U plan i program rada vrtića i škola uvrstiti teme koje obrađuju važnost pomažućih profesija. Organizacija seminara i workshop-ova, za nastavnike, učenike i roditelje. Fokusirati se na teme vezane za važnost pomažućih profesija. Omogućiti volontiranje u ustanovama i ohrabriti učenike da budu društveno korisni. Organizacija druženja učenika sa profesionalcima iz oblasti pomažućih profesija.	Ministarstvo, Institut i škola	Septembar 2024. i kontinuirano	Motivisanje budućih i trenutnih nastavnika	- Predškolske ustanove - Osnovne i srednje škole kao javne ustanove - Privatne osnovne i srednje škole
5.	Program pripravnštva i sistema podrške za nove nastavnike	Unaprijediti program pripravnštva za nastavnike koji tek počinju raditi, kako bi se lakše adaptirali na novu ulogu. Osmisliti sistem podrške kroz informativne brošure, savjetodavne razgovore i druge oblike podrške.	Ministarstvo, Institut i škola	Kontinuirano (septembar, januar)	Motivisanje budućih i trenutnih nastavnika i zadržavanje nastavnika u školi	- Osnovne i srednje škole kao javne ustanove - Privatne osnovne i srednje škole
6.	Nadzor u školama	Izvršiti analizu inspeksijskih nadzora u školama s ciljem utvrđivanja opravdanosti anonimnih prijava	Ministarstvo u saradnji sa Kantonalnom	Septembar 2024. godine i dalje	Zadržavanje nastavnika u školi	- Osnovne i srednje škole kao javne ustanove

		Vršiti stručni nadzor u školama koji ima za cilj kontinuirano dobijanje povratnih informacija o radu nastavnika. Razviti instrumente samovrednovanja i vanjskog vrednovanja.	Upravom za inspekcijske poslove Kantona Sarajevo			- Privatne osnovne i srednje škole
7.	Kreiranje partnerskog programa s fakultetima i obrazovnim institucijama	Omogućiti studentima da rade praksu u školama (fizika, matematika, informatika, razredna nastava) i da im se to eventualno ubraja u časove (vježbe) na fakultetu. Omogućiti da absolventi zamijene nastavnika u školi uz stručnu podršku školskog aktiva i stručne službe škole.	Ministarstvo putem radne grupe i Instituta u saradnji sa Ministarstvom za nauku, visoko obrazovanje i mlade Kantona Sarajevo	Juli 2024. - septembar 2025. godine i kontinuirano svake godine	Motivisanje budućih nastavnika	Osnovne i srednje škole kao javne ustanove
8.	Team building školskog kolektiva	Omogućiti novčana i druga sredstva za team building nastavnika.	Ministarstvo i škole	Januar 2025. godine i dalje kontinuirano	Zadržavanje nastavnika u školi	- Osnovne i srednje škole kao javne ustanove - Privatne osnovne i srednje škole
9.	Administrativne obaveze	Smanjenje obima administrativnih poslova. Uraditi reviziju šta sve spada u administrativne poslove, šta je neophodno da se radi i kako se raspoređuje posao između nastavnika u školi.	Ministarstvo putem radne grupe	Januar 2025. godine i dalje kontinuirano	Zadržavanje nastavnika u školi	- Osnovne i srednje škole kao javne ustanove - Privatne osnovne i srednje škole
10.	Uključivanje realnog sektora u odgojno-obrazovni proces	Omogućiti prekvalifikaciju. Osmisliti program uključivanja radnika iz realnog sektora u odgojno-obrazovni proces. Izraditi akcioni plan.	Ministarstvo putem radne grupe i mcvladinog sektora	Januar 2025. godine i dalje kontinuirano	Motivisanje budućih nastavnika u školi	- Osnovne i srednje škole kao javne ustanove - Privatne osnovne i srednje škole
11.	Uključivanje penzionisanih nastavnika	Izraditi akcioni plan za angažman nastavnika koji su u penziji.	Ministarstvo i Institut	Septembar 2024. ili 2025. godine i dalje kontinuirano	Motivisanje budućih nastavnika u školi	- Osnovne i srednje škole kao javne ustanove - Privatne osnovne i srednje škole
12.	Promocija nastavničkog zanimanja	- kampanje - priče - gostovanja - reklame - potcast-i - plakati i dr.	Ministarstvo putem profesionalne PR agencije	Juni 2024. godine i dalje kontinuirano	Motivisanje budućih i trenutnih nastavnika u školi i jačanje povjerenje u odnosu nastavnik-roditelj	- Osnovne i srednje škole kao javne ustanove - Privatne osnovne i srednje škole

IV

(Sredstva za realizaciju Programa)

Provođenje aktivnosti iz ovog Programa ne zahtijevaju dodatna sredstva već će se iz odobrenih budžetskih sredstava škola, Instituta i Ministarstva osigurati potrebna sredstva za njihovu realizaciju, odnosno iz sredstava osnivača u skladu sa raspoloživim sredstvima.

V

(Praćenje, nadzor i evaulacija Programa)

Ministarstvo će imenovati koordinatora za praćenje, nadzor i evaulaciju Programa.

Broj 02-04-33624-26.1/24
27. juna 2024. godine
Sarajevo

Po ovlaštenju premijera
Ministrica
Darja Softić Kadenić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i broj 37/14 - Ispravka), člana 168. Zakona o srednjem obrazovanju ("Službene novine Kantona Sarajevo", broj 23/17, 30/19 i 33/21) i člana 6. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", broj 22/21 i 13/22), Vlada Kantona Sarajevo, na 30. sjednici održanoj 27.06.2024. godine, donijela je

ODLUKU

O DAVANJU SAGLASNOST MINISTRICI ZA ODGOJ I OBRAZOVANJE KANTONA SARAJEVO DA ZAKLJUČI UGOVOR O DODJELI SREDSTAVA IZ BUDŽETA KANTONA SARAJEVO UDRUŽENJU "DRUŠTVO FIZIČARA U FEDERACIJI BOSNE I HERCEGOVINE" ZA FINANSIRANJE TROŠKOVA PUTOVANJA JEDNOG TAKMIČARA NA 54. MEĐUNARODNOJ OLIMPIJADI IZ FIZIKE (IPHO 2024)

I

Daje se saglasnost ministrici za odgoj i obrazovanje Kantona Sarajevo da zaključi ugovor o dodjeli sredstava, u iznosu od 3.196,00 KM, iz Budžeta Kantona Sarajevo Udruženju "Društvo fizičara u Federaciji Bosne i Hercegovine" za finansiranje troškova putovanja jednog takmičara sa područja Kantona Sarajevo, koji predstavlja Bosnu i Hercegovinu na 54. Međunarodnoj olimpijadi iz fizike (IPhO 2024) u gradu Isfahanu (Iran).

II

Za realizaciju ove odluke zadužuju se Ministarstvo za odgoj i obrazovanje Kantona Sarajevo, Ministarstvo finansija Kantona Sarajevo i Udruženje "Društvo fizičara u Federaciji Bosne i Hercegovine", svako u okviru svoje nadležnosti.

